



KATILINGBAN

Ang opisyal nga pamantalaan sa Basic Ecclesial Communities (BEC) sa parokya sa Naval

Vol 2, No. 12

website: www.geocities.com/navalbec

Hulyo 2006



PAMALANDONG SA EBANGHELIO

Hulyo 2, 2006: Ika-13 nga Domingo "Sulod Sa Tuig"
Basahon: Ws. 1:13-2:24 / Cor. 8:7-15 / Mk. 5:21-43

Human sa pagbasa sa Ebanghelyo:

Unsa man nga pulong o mga pulong sa Ebanghelyo ang nakapatandog kanimo? Ngano man?

Tema: (Basahon human sa mga paambit)

Karong adlaw gidapit kita sa pagpalandong mahitungod sa kinabuhi ug sa paglaum sa dili magun-ob nga kinabuhi. Talagsa ra nato mamatikdan ang kinabuhi hangtod nga kini hulgaon na. Unya makitan nato ang kabililhon niini tungod sa iyang pagkahuyang.

Kinahanglan mahimong ato ang pagtuo ni Jairo, kansang dose anyos nga anak niyang babaye nag-ungaw sa kamatayon, ug ang pagtuo niadtong babaye nga nawad-ag paglaum kansang kinabuhi naghinayhinay nagkakutat uban sa pag-agos sa iyang dugo sulod na sa napulog-duha ka tuig. Niining nagkaabot nga duruha ka sugilanon usa ra ka punto ang gipalutaw. Wala tamaya ni Hesus ang yanong pagtuo sa babaye nga gitalinug-an nga sa daklit mihikap kaniya kay milaum man nga mamaayo siya. Ni iyang gibalIWala ang subo nga pagtuo ni Jairo nga walay ikatubag sa nagduhaduhang panon sa katawhan. Alang kanila tataw kaayo ang tanan nga walay si bisan kinsa nga makasupak batok sa kamatayon. Alang kang Hesus ang kamatayon maoy usa lamang ka pagkahikatulog nga mahigmata ngadto sa kabuntagon sa pagkabahaw.

Nahikatulog ang paglaum sulod sa matag usa kanato. Kinahanglan sa kanunay ato kining gunitan sa kamut ug bangonon. Kini mahitabo lamang pinaagig pagtuo. Kaniya nga naghimo sa atong mga kagabhion nga bisan unsa ka ngitngit moiway lang gihapon ngadto sa buntag sa kabanhawan.

Pamalandongi kini:

Nahikatulog ba ang imong paglaum? Unsa man ang kamatayon alang kanimo? Mituo ka ba nga ang kangitngit sa kamatayon moiway ngadto sa kabuntagon sa pagkabanhaw?

Hulyo 9, 2006: Ika-14 nga Domingo "Sulod Sa Tuig"
Basahon: Ezk. 2:2-5 / Cor. 12:7-10 / Mk. 6:1-6

Human sa pagbasa sa Ebanghelyo:

Unsa man nga pulong o mga pulong sa Ebanghelyo ang nakapatandog kanimo? Ngano man?

Tema: (Basahon human sa mga paambit)

"Diin man niya hikat-onan kining tanan? Unsa mang matanga sa kaalam kining nabatonan niya? Ug giunsa man niya paghimog mga milagro?"

Kining mga pangutanaha nga gipasupot sa iyang katagilungsod naghulagway lamang sa ilang pagkahingangha. Wala nila palandong nga ang anak og panday, ang anak ni Maria ug ang igsoon nila ni Santiago, ni Hudas ug ni Simon, makahimo ug makasultig sama sa ilang mga nabati. Naghinobra ra ang gipakita ni Hesus kanila. Mao nga malisod alang kanila ang pagtuo sa gihimo ug gisulti niya. Ug ang ilang kawalay pagtuo naghatod kanila sa ilang pagsalikway kaniya.

Sa iyang bahin, daw napakgang si Hesus. Ang ilang kawalay pagtuo maoy nahimong hinungdan nganong wala siya maghimog mga milagro didto.

Kita usab mahimong makapakgang sa atong isigkatawo. Sa unsang paagi? Diha sa atong wala pagtugot nga motubo sila, diha sa atong pagbilanggo kanila sulod sa atong kaugalingong panglantaw alang kanila ug diha sa atong wala paghatag kahigayonan nga mabag-o sila.

Apan ang Dios sa makadaghan nagtawag kanato pinaagi sa atong yano ug ordinaryong mga isigkatawo. Ang ato lang nga maantigo kita moila sa iyang wala damha nga mga presensya. Ang mga langyaw, mga nagmasakiton, mga silingan ug silang

tanang nga atong mahimamat matag adlaw; sila mao ang daghang mga agianan sa atong pag-angkon sa diosnong grasya. Hinundomi nga sa iyang pagpadayag sa iyang kaugalingon, nanginahanglan ang Dios sa tawo.

Pamalandongi kini:

Kinsa sa imong isigkatawo ang imong napakgang? Sa unsang paagiha mo sila napakgang? Naila mo ba nga pinaagi kaniya ikaw nakaangkon usab sa diosnong grasya?

Hulyo 16, 2006: Ika-15 nga Domingo "Sulod Sa Tuig"
Basahon: Am. 7:12-15 / Eph. 1:3-14 / **Mk. 6:7-13**

Human sa pagbasa sa Ebanghelyo:

Unsa man nga pulong o mga pulong sa Ebanghelyo ang nakapatandog kanimo? Ngano man?

Tema: (Basahon human sa mga paambit)

Nakita ni Hesus nga pinaagi sa iyang pagpadala sa iyang mga tinun-an mikaylap ang iyang mensahe sa kaluwasan. Sila nga nakig-uban kaniya nangako sa propetang buhat – ang kasangyawan sa gingharian. Sama nga sa karaang panahon misulti siya pinaagi sa mga propeta, ang Dios sa gihapon misulti pinaagi sa tawhanong mga pulong. Sa walay duhaduha kining mga mananagat nga Galileyanhon walay susamang mga pagpangandam alang sa maong misyon sama kang propeta Amos. Apan dili mahinungdanon nga lantip silag mga pangisip, mga haniti silang manulti, ug nga dungganang silag kagikan. Ang importante nga human nila isalikway ang bisan unsang butang nga maoy mahimong babag sa ilang apostolikanhong buhat, ilang tugotan

nga si Cristo maoy mosulti pinaagi sa ilang mga baba ug pinaagi sa ilang mga kamut. Tingali ang mga tawo mabugnawon o kaha taphaw o di ba hinoon masukihong modawat kanila. Kini wala magsanta kanila sa pagpadayon sa ilang buhat sa pagsangyaw sa kahaduol sa gingharian.

Ug tungod sa kahaduol sa gingharian, ang Simbahan kinahanglang mosangyaw ug mopakaylap sa Maayong Balita. Bisan nagkangkanga ang atong mga sinultihan ug mauko-ukonon ang atong mga binuhatan kinahanglang magsangyaw kita inubanan sa gahom sa Espiritu Santo aron ang misteryo ni Hesus ug sa iyang gingharian mapadayag ngadto sa tanan.

Pamalandongi kini:

Pinaagi sa imong bunyag, ikaw usab gitawag sa pagsangyaw sa Maayong Balita sa kaluwasan nga gihimo ni Hesu Cristo. Imo bang gitugotan nga si Hesus maoy mosulti pinaagi sa imong baba? Nga siya maoy mobuhat pinaagi sa imong mga kamut?

"Hinundomi ang Ginoo sa tanan mong buhaton, ug tultolan ka niya sa matarong nga dalan."

Panultihon 3:6

LJC Rice Mill
Sitio Lupa, Calumpang
& Groceries
Ground Floor, Naval Mall
Owned & Managed by:
RAMISES "Bong" BONGABONG



KATILINGBAN
Ang nagpal nga mundo sa Dios: Eternidad, Comunion, OBC, sa parokya sa Manila

TEAM MINISTRY

Team Moderator: Bishop Filomeno G. Bactol, D.D.

Team Members:

Fr. Marvyn A. Maceda
Fr. Florencio Gerones
Fr. Kenneth Hendricks
Fr. Cornelio AMante, Jr.

Newsletter Moderator:
Fr. Marvyn A. Maceda

Encoder:
Vinna Sabroso

Computer Specialist
Oscar O. Borrinaga

Business Managers:
Rizalito V. Curso
Conchita Calvez

PARISH FORMATION TEAM

Eudoxia Canonoy	Reymund Icaín
Linda Roldan	Jonnel Quilaneta
Necitas Casado	Alfredo Olaer
Catalina Machete	Alfredo Paghubasan
Sonia Pitao	Danny Jayubo
Josephine Romero	Gualberto Tonelete
	Ramises Bongabong
	Jorge Manco
	Buddy Castro

Hulyo 23, 2006: Ika-16 nga Domingo “Sulod Sa Tuig”
Basahon: Jr. 23:1-6 / Eph. 2:13-18 / **Mk. 6:30-34**

Human sa pagbasa sa Ebanghelyo:
Unsa man nga pulong o mga pulong sa Ebanghelyo ang nakapatandog kanimo? Ngano man?

Hebreo 12:14-15

Hulyo 30, 2006: Ika-17 nga Domingo “Sulod Sa Tuig”
Basahon : 2Kg. 4:42-44 / Eph. 4:1-6 / **Jn. 6:1-15**

Pulong pa: “walay si bisan kinsa nga walay ikahatag.” Ikaw andam bang mopaambit bisan sa diyotay nga imong napanag-iya?





ANG SUGILANON

Kulang ang mga bituon!

"Buot kong makigdula sa mga bituon," miingon ang batang babaye sa iyang pastor usa ka adlaw niana dihang mibisita kini kaniya. Dili siya nakabakod tungod sa grabeng pagkalisa sa iyang taludtod, ug ang iyang katre gipahalona aron makita niya pag-ayo ang panganod. Kini ang gusto niyang pwesto aron makita niya ang mga bituon. "Sagad akong makamata sa gabii ug dili na makabalik pagkatulog," giingnan niya ang ministro, "ug kana ang higayon nga makigdula ako sa mga bituon,"

Ang iyang pastor, nga buot masayod kon unsay iyang gipasabot, nangutana: "Unsaon mo man pagpakigdula sa mga bituon?" Ang bata mitubag: "Mopili akog usa ug moingon, "Kana si Mama." Ug makakita akog lain ug moingon, "Kana si Papa." Ug magpadayon lang ako pagngalan sa mga bituon sundog sa ngalan sa mga tawo ug mga butang nga gipasalamatan ko --ang akong nga igsoon nga lalaki ug babaye, ang akong doktor, ang akong mga higala, ang akong iro." Ug mipapadayon siya paghatag ug mga ngalan hangtod siya miingon: "Apan kulang ang mga bituon ug dili ko manganlan ang tanan kong gipasalamatan!"

Nabati mo na ba kana sukad sa paghunahuna mo sa kadaghan sa panalagin nga gipadayag sa Dios kanimo? Dayag nga dili mo manganlan ang tanang panalagin nga lawasnon, espirituhanon, lumalabay, ug dumalayon. Apan sa matag karon ug unya, maayong hinumdoman ang iyang gasa uban sa pagpasalamat. Ug sa paghimo mo niini, sama niadtong batang babaye, ikaw usab buot moingon: "Kulang ang mga bituon ug dili ko manganlan ang tanan kong gipasalamatan!"

(Source: Ang Atong Kalan-on sa Adlaw-adlaw. Volume 11)

BEC ACTIVITIES

July 2006

CLUSTER FELLOWSHIP

July 1, 2006 - (1st Saturday)

BEC Ilaya & Smo. Rosario

Venue: Cathedral Church

Time: 7:30 P.M. – 10:00 P.M.

PAROCHIAL FELLOWSHIP

July 15, 2006 -(3rd Saturday)

Area: Brgy. Libtong Daku Chapel

Time: 7:30 A M – 3:00 P M.

July 16, 2006 - (3rd Sunday)

Area: Brgy. Atipolo Chapel

Time: 7:30 A M. – 3:00 P.M.

BEC ANNIVERSARY

July 3, 2006 - Monday

BEC Larrazabal

July 7, 2006 - Friday

BEC Catmon # 2

July 13, 2006 - Thursday

BEC Haguichikan

July 28, 2006 - Friday

BEC Atipolo

(Maribuhok & Dangkanan)

NAVAL COUNTRY INN

"Your home away from home"

&

NAVAL TOWN CENTER